

及世間成如其次第名爲襄盛又損減名衰增長名盛二乘因果名出世衰大乘因果名出世盛又退名衰進名爲盛言圓證者即是果位前三乘名顯其因位又圓證者唯說佛果妙觀察智觀此諸法法相異故智如其境行相不雜分明顯現是故說名妙飾間列

## 佛地經論卷第五

十四末

聲五

編織<sub>上音</sub>稠林<sub>上直</sub>誹<sub>芳尾反</sub>匱<sub>非拂二音</sub>匱<sub>求位</sub>欣感<sub>上許</sub>力<sub>斤反</sub>玩<sub>吾貫</sub>

## 佛地經論卷第六

聲六

親光等菩薩造

大唐三藏法師玄奘奉詔譯

經曰又如世界爲諸衆生廣大受用如是如來妙觀察智示現一切諸佛衆會雨大法雨爲令衆生受大法樂論曰此中顯示受用因相如器世間隨有情

業增上力故阿賴耶識共相種子變生種種共相資具爲令有情廣大受用如是如來妙觀察智助平等智爲增上緣擊發鏡智相應淨識現受用身種種衆會威德熾盛兩大法雨爲令地上諸大菩薩受大法樂亦助如來成所作智爲增上緣擊發鏡智相應淨識現

變化身種種衆會威德熾盛兩正法雨爲令地前所化有情受用法樂

經曰如世界中五趣可得所謂地獄餓鬼畜生人趣天趣如是如來觀察智上無邊因果五趣差別具足顯現

論曰此中顯示趣差別因相如世界中隨有情業增上力故阿賴耶識不共相種變生種種五趣因果差別可得如是如來妙觀察智五趣因果爲境界故似其五趣因果二相差別顯現非生五趣諸阿素洛種類不定或天或鬼或復傍生故不別說五趣因者謂中有身以與五趣爲方便故趣是所趣中有能趣

故非趣攝就生類別建立四生是故中有亦生所攝有義中有趣方便故說在趣中此言因者業煩惱等果即五趣

經曰如世界中欲色無色諸界可得如是如來觀察智上無邊因果三界差別具足顯現論曰此中顯示界差別因相如世界中隨有

情業增上力故阿賴耶識共不共相種子變生三界因果差別可得此中世界通情非情謂有情世界及器世界若不爾者不應於中  
有無色界以彼唯有定所生色無業生色無方處故於世界中隨其所應建立三界謂器世界中但有欲色情非情界有情界中具有三種唯有情界以器世界通持有情及非情界有情世界惟能任持有情界故如是如來妙觀察智三界因果爲境界故似其三界因果二相差別顯現非生三界因果同前三種分別此中意說妙觀察智普能觀察一切境故偏似一切諸界趣生煩惱業等所感諸行

聲六

二

張

成熟所攝心心法等因果相現謂諸如來大圓鏡智增上所生妙觀察智雖無所取能取執著遠離一切煩惱所知二垢障故觀察一切因果等事及能說故如淨圓鏡現衆影像一切境相皆現其中然無鏡智無差別過大圓鏡智以於一切皆不愚故雖能顯現一切

影像任運轉故而無分別此智能現一切境相亦有分別若無分別則不能觀因果等事及爲衆會說法斷疑此文定證無漏心等亦有相分如來智上五趣三界無邊因果具足現故有義如來智明淨故一切境相雖現其中而此境相非智所變不清淨故但是衆生心等所變諸法影像此不應理以是影像若是衆生心等所變云何在佛智上顯現不可他因生他心相違正理故如餘心相此亦應爾然此境相如來無漏心所變現如明鏡中糞穢影像雖似不淨實非不淨心及心法緣境法爾若緣他境非如鉗燈無動作故但如

明鏡性本淨故變似境相而能緣慮若諸境  
相非心上現彼雖有力生心心法如五根等  
不名所緣如餘處說無分別智亦定爾耶所  
緣真如不離智體不可定爾後得俗智雖不  
離故不可難如諸異生心緣無漏心上所有

三  
張

無漏境相雖似無漏實是有漏此亦應爾唯

識道理決定如是心所變相雖相似有而實  
無體若不爾者應有色等如心心法不成唯  
識若彼實有但不離識名唯識者心及心法  
亦不離彼色等諸相應名唯境便成大過  
經曰如世界中廣大甚深不可傾動大海可

得如是如來觀察智上諸佛菩薩威神所引  
廣大甚深教法可得

論曰此中顯示兩大法雨因相如器世間由  
諸衆生業增上力起諸寶山如是如來妙觀  
察智由諸有情感正法業增上力故起佛菩  
薩威神所引深大教法此教開示諸佛菩薩

自在威神亦能引發彼威神力是故說名諸  
佛菩薩威神所引此說如來妙觀察智能發  
鏡智相應識上教法影像或自能現教法影  
像由此爲緣善根成熟所化有情自心變現  
經曰如世界中廣大甚深不可傾動大海可  
得如是如來觀察智上一切天魔外道異論  
所不傾動甚深法界教法可得

論曰此中顯示降伏怨敵因相如器世間由  
諸衆生業增上力起諸大海不可傾動如是  
如來妙觀察智由諸有情感正法業增上力  
故起法界教不可傾動法界則是空無相理  
說法界理名法界教諸外道等皆依諸見法  
界空理對治諸見離諸見趣是故空教彼不  
能測不能傾動前威神教威神高廣故喻寶  
山此法界教法界甚深故喻大海妙觀察智  
是能顯照一切境因故能起說一切法教略  
說勝者是故契經說佛世尊名大智日普能  
照了一切法故

經曰又如世界大小輪山之所圍遶如是如來妙觀察智不愚一切自相共相之所圍遶論曰此中顯示斷一切疑因相如器世界一妙高山七大金山八大海水四大洲等揔於其外有小輪山周市圍遶如是爲一積數至千復揔於外有次輪山周市圍遶名小千界

声六

四

辰

如是爲一復數至千更揔於外有次輪山周市圍遶名中千界如是爲一復數至千揔於其外有大輪山周市圍遶有大風輪揔持其下名爲三千大千世界如是名爲大小輪山之所圍遶如是如來妙觀察智徧知一切自相共相能斷世間一切疑惑自共相愚是疑

惑因知自共相無此愚故自無疑惑能斷他疑大圓鏡智永離二障不愚一切自相共相能生此智攝護此智故名圍遶鏡智雖能知一切法自相共相無分別故不能爲他說法斷疑此智能知有分別故能爲一切說法斷疑又此智體能知諸法自相共相二種行相

之所圍遶自相行相如小輪山共相行相如大輪山鏡智能持如風持下如來淨智現量所攝云何能知諸法共相若共相境現量所知云何二量依二相立有義二量在散心位依二相立不說定位若在定心緣一切相皆現量攝有義定心唯緣自相然由共相方便所引緣諸共相所顯理者就方便說名知共相不如是者名如自相由此道理或說真如名空無我諸法共相或說真如二空所顯非是共相如實說者彼因明論立自共相與此少異彼說一切法上實義皆各自相以諸法上自相共相各附己體不共他故若分別心

声六

五

辰

立一種類能詮所詮通在諸法如縷貫華名爲共相此要散心分別假立是比量境一切定心離此分別皆名現量雖緣諸法苦無常等亦一一法各別有故名爲自相真如雖是共相所顯以是諸法自實性故自有相故亦非共相不可以其與一切法不一不異即名

共相自相亦與一切共相不一異故是故彼論說諸法上所有實義皆名自相此經不爾故無相違

經曰復次妙生成所作智者

論曰成所作智應知成立如來化身此復三種一者身化二者語化三者意化第一身化

復有三種一現神通化二現受生化三現業果化第二語化亦有三種一慶慰語化二方便語化三辯揚語化第三意化復有四種一決擇意化二造作意化三發起意化四受領意化成所作智能起如是三業化用此化三業即是化身應知此中以用顯體非此三業即是智體但是智上所現相分成所作智增上緣力擊發鏡智相應淨識令現如是三業化用自亦能現當知四智一一能起一切作用就強多分說平等智起受用身成所作智起變化身妙觀察智觀察一切自相共相陀羅尼門三摩地等大圓鏡智能現一切諸法

影像如一一根取一切境非無強用此亦如是此中經文定證三業心心法等皆有變化如來智上現此鹿相心心法等一切功德今諸下位能現了知若不爾者二乘異生云何能知如來所有心心法等功德差別云何如來久已成佛復能現作具貪瞋等種種化身餘經亦說化無量類皆令有心又說化身亦名有心亦名無心有依他心無自依心故謂化心等依實心現但實心上相分似有緣慮等用如鏡中火無別自體隨衆緣生如餘心等餘處雖說無化心等以無實用如實心等變化色等有實作用如實色等故偏說有由

聲六

六

後

化心等鹿相顯現易了知故乃至後知知如來心若佛實心諸大菩薩亦不能了

經曰如諸衆生勤勵身業由是衆生趣求種種徇利務農勤王等事如是如來成所作智勤身化業由是如來示現種種工巧等處摧伏諸技傲慢衆生以是善巧方便力故引諸

衆生令入聖教成熟解脫

論曰此中顯示現神通化化身業相令心勇悍故名勤勵於善性中兼取精進餘但作意由此發起勤勵身業就因爲名由此身業出間有情作三正事等者等取其餘雜事成所作智精進相應起化身業由此化業爲菩薩

時示現種種陶師等類工巧等處此是智上

身業相現爲欲摧伏技術懶慢故現斯事善巧方便即是悲慧平等運道先現神通初令生信故名引生令入聖教如現神通度迦葉等次令調順有所堪能故名成熟引令長養諸善根故後令解脫三界惡趣有性無性如

其次第故名解脫由教化力有種姓者令生聖道解脫三界無種姓者令修出善常生善趣令彼善根爲說正法令脫三界放光息苦安立善趣又令彼生聞思修慧次第三句又令彼生順解脫分順決擇分及生聖道次第三句又令彼入見道修道及無學道文第三

句如是等釋應隨相說彼亦如是

經曰又如衆生受用身業由是衆生受用種種色等境界如是如來成所作智受身化業由是如來往諸衆生種種生處示同類生而居尊位由其示現同類生故攝伏一切異類衆生以是善巧方便力故引諸衆生令入聖

教成熟解脫

論曰此中顯示現受生化化身業相出間有情於諸生處諸根領納色等境界故名受用身有運轉故名身業成所作智一切生處同時現生受用境界謂現化身於天人中一切生處示同類生居刹帝利婆羅門種族諸下

類令得利樂此亦智上身業相現或擊鏡智或自顯現餘例應爾

經曰又如衆生領受身業由是衆生領受所作善惡業果如是如來成所作智領身化業由是如來示現領受本事本生難修諸行以是善巧方便力故引諸衆生令入聖教成熟

解脫

論曰此中顯示現業果化化身業相身即是業故名身業先業果故果說因名或身領受先業果時有運轉用故名身業由此身業領

受先業愛非愛果成所作智現似化身領受化業由此業故示受一切本事本生難修諸行先世相應所有餘事名爲本事先世所受生類差別名爲本生如毗濕飯怛羅等一切本生事依此本生先所修行種種苦行名難修行或於令世依變化身先修苦行後捨彼行修處中行方得菩提名難修行謂諸衆生計修苦行止惡起善方得菩提爲化彼故先示同彼修諸苦行爲顯非但持戒得淨要由定慧方得淨故現捨苦行修處中行方得菩提有契經說如來先世迦葉佛時作是罵言何處沙門剃鬚髮者有大菩提無上菩提極難得故由彼惡業令受如是難行苦果此言亦是爲止惡行現化所作若不爾者何有繫

屬一生菩薩已曾親事無量如來植諸善本性憶宿命更起如是重語惡行當知此言爲欲化度宜聞此言而得度者今於佛所離此言故

經曰又如衆生慶慰語業由是衆生展轉談論遞相慶慰如是如來成所作智慶語化業由是如來宣暢種種隨所樂法文義巧妙小智衆生初聞尚信以是善巧方便力故引諸衆生令入聖教成熟解脫

論曰此中顯示慶慰語化語業相慶慰即是喜悅差別語能生彼故名慶慰聞此語言展轉發生大歡喜故謂諸有情由發語心增上力故各別識上諸業相現爲增上緣令餘識變似語業相各謂聞他語言生喜成所作智化作語業應知亦爾自現妙音令他心變謂聞佛語生歡喜故隨所樂法者隨彼因力所應樂聞人天三乘諸差別法文巧妙者字句顯美令樂聞故義巧妙者理趣分明易解

了故小智衆生初聞尚信者謂佛言音具六十德諸凡愚慧暫時得聞尚生信解何況其餘聰敏者慧成所作智名慶慰者能現化語宣說一切巧妙文義生諸有情歡喜心故亦能加被善現等輩以佛言音宣說甚深難測量法如是此智能加被他一切論者一切色類乃至虛空亦能發起化語說法當知此事不可思議

六

九

後

諸惡修出間善安立聖道分位差別令入正道出離三界成所作智能發化語成辦斯事謂息諸惡發起諸善是此語用

經曰又如衆生辯揚語業由是衆生展轉開示所不了義宣諷諸論如是如來成所作智辯語化業由是如來斷諸衆生無量疑惑以

是善巧方便力故引諸衆生令入聖教成熟解脫

論曰此中顯示辯揚語化語業相成所作智隨諸衆生意樂差別現化語業說種種義斷諸疑惑謂發一音表一切義令諸有情隨類獲益如契經言佛以一音演說諸法衆生

行人隨法行等以是善巧方便力故引諸衆生令入聖教成熟解脫

論曰此中顯示方便語化語業相如諸世間方便語業更相教示諸所應作不應作事

利益親友放逸衆生加行起作故名方便如是如來由大悲故爲諸有情安立學處令伏

隨類各得開解或有怖畏或有歡喜或生厭離或復斷疑此是如來本願所引不可思議力所發化語一音能斷一切衆疑若作化身亦令衆生一質異見利樂事成

經曰又如衆生決擇意業由是衆生決擇可作及不可作如是如來成所作智決擇意化

業由是如來決擇衆生八萬四千心行差別以是善巧方便力故引諸衆生令入聖教成熟解脫

論曰此中顯示決擇意化化意業相成所作智相應意業能起化故名化意業此能決擇所化衆生八萬四千心行差別或復此智相

声六

十一

庚

分中現變化意業似能決擇衆生八萬四千心行令彼了知得勝義利云何八萬四千心行謂諸有情八萬四千諸垢塵勞心行差別此能障礙八萬四千波羅蜜多陀羅尼門三

摩地等如賢劫經廣說其相所謂最初修習法行波羅蜜多乃至最後分布佛身波羅蜜

種諸所起業如是如來成所作智造意化業由是如來觀諸衆生所行之行行與不行若得若失爲令取捨造作對治以是善巧方便力故引諸衆生令入聖教成熟解脫

論曰此中顯示造作意化化意業相隨所觀察一切有情所行之行若諸惡行不行有得行即有失若諸善行行即有得不行有失如是觀察爲欲令彼取得捨失於得造作住持對治於失造作遠離對治成所作智相應意業能起化故名化意業

声六

十一

庚

雖諸如來於一切事無有功用而令衆生心等變現似有造作故名造作或復此智相分中現變化意業似能觀察一切有情諸行得失令彼了知得勝義利

多三百五十一皆具六到彼岸如是總有二千一百對治貪瞋癡及等分有情心行八千四百除四大種及六無義所生過失十轉合數八萬四千修習此故復得成就八萬四千陀羅尼門三摩地等此猶略說廣則無量經曰又如衆生造作意業由是衆生造作種

解脫

論曰此中顯示發起意化化意業相成所作智相應意業能發身語二種業故就用說名發起意業或此意業由智發起是故說名發起意業能起化故或智相分現似彼故此化意業爲欲宣說彼對治者爲說有情諸行對

治此所說法名句字身以爲自性是故顯示名句字身如來隨彼有情所樂說名身等令起愛樂發生對治是則如來成所作智相分中現變化意業發名身等宣說有情諸行對治由此力故令諸有情自心變似佛所說法深生愛樂發起對治是故說名發起意業

思能動其心今受苦樂是故說名受領意業成所作智受相應思能起化故名化意業或相分中現化意業名化意業於四記問爲記別故隨其所應如實了知一切問已領三世等無量法義如實了知一一自體如實知已隨其所應一一記別無有顛倒言四記者一

一向記二分別記三反問記四默置記一向記者如有問言一切生者決定滅耶佛法僧寶良福田耶如是等問應一向記此義決定分別記者如有問言一切滅者定更生耶佛法僧寶唯有一耶如是等問應分別記此義不定反問聲六記者如有問言菩薩十地爲上爲

十二

庚

下佛法僧寶爲勝爲劣如是等問應反問記汝望何問默置記者如有問言實有性我爲善爲惡石女兒色爲黑爲白如是等問應默置記不應記故長戲論故

應知此中身語化業或自身相應或他身相

應或不相應意化業唯自他相應由此即釋衆生令入聖教成熟解脫

論曰此中顯示受領意化化意業相受相應

三種神變謂神通教誠記說神變此佛化業於一切種恒時隨逐不可思議作用數量國土差別不可思議故利有情用無休息轉不思議故一切如來三種化業爲欲成熟有情爲先說名第一方便善巧是故契經說佛世尊名大智藥能療一切煩惱病故

經曰爾時妙生菩薩摩訶薩白佛言世尊爲獨如來於淨法界受用和合一味事智而諸菩薩亦能如是佛告妙生菩薩亦能受用和合一味事智

論曰今依受用和合一味事智爲問前辯佛地但說如來清淨法界體唯一味佛鏡智等

於中受用和合一味無動無作妙生菩薩意疑此事爲唯如來亦通菩薩故作此問或前但說有五種法攝大覺地清淨法界體唯一味鏡智依此緣此而生無分別故亦唯一相平等性智通緣真如離二分別亦唯一相其餘二智爲饒益他亦依真如無異分別亦唯

一相如是唯佛受用和合一味事智應不通餘爲欲審定故作此問此中既言於淨法界受用和合一味事智證智於餘無有受用和合一味事智能受用所應受用和合一味真如境界故名受用共同一事故名爲和雖同一事或復離別爲顯於中常不離別故復言合所緣能緣平等平等畢竟和合不離別故味者堅實即所受用所緣法界真如一味事謂事用智者即是能受用智正取鏡智平等性智兼取餘二多緣真故或一味者能受用智無分別故事者是果緣淨法界而生起故或能受用即是捨受無苦無樂平等一類故名一味事者果也即此相應圓鏡智等由彼力生故名彼果或是行捨無功用相於一切處一味而轉能受用智說名事智或智自能領受已體故名受用自他二種分別無故說名一味事者果也從衆因緣遠離二想恒時轉故菩薩亦能等者此中意說受用和合一

味事智非獨如來若諸菩薩亦能如是云何但言有五種法攝大覺地此中意說佛地唯是五法所攝不說五法唯攝佛地亦能攝諸菩薩地故

經曰妙生菩薩復白佛言何等菩薩受用和合一味事智

佛告妙生證得無生法忍菩薩由彼菩薩無生法中得忍解時對治二想由遣自他二種思想故得平等心從此已上彼諸菩薩自他異想不復現前受用和合一味事智

論曰爲顯未得大乘無生法忍菩薩或住功用有加行道菩薩未有受用和合一味事智

故復問言何等菩薩受用和合一味事智證得無生法忍菩薩謂從初地已上菩薩證得二空所顯真如觀一切法偏計所執本性無生亦無有滅本來寂靜自性涅槃受用和合一味事智非如二乘見道現觀俱證生空所顯真如未證法空所顯真理未能現觀諸法

聲六

十四

辰

平等受用和合一味事智地前菩薩亦未能證未見真如和合一味平等性智未現行故有說初地已上菩薩復有三種一初發心謂在初地已入見道正性離生真無漏心創現行故二已修行謂上六地已得修道進修行故三不退轉謂上三地修道已滿離諸功用

無加行道住運現前一切煩惱畢竟不起念念勝進無退轉故此中唯取八地已上觀一切法本來無生今亦不起得上品忍一向清淨恒起無漏住運而轉由得此故說名證得無生法忍如契經言八地已上諸菩薩衆離法想故無我我所觀一切法非常無常無生

無起自他平等乃至廣說由得住運二想對治於一切處得平等心從此已上離二想故離諸功用及加行故一向無漏極清淨故無分別智已得自在住運轉故方得說名受用和合一味事智初地菩薩雖已證得自他平等而有功用加行作意未清淨故而未建立

經曰妙生菩薩復白佛言惟願如來廣說譬喻令諸菩薩悟甚深義隨所化緣廣宣流布令諸衆生聞已疾悟無生法忍。論曰妙生菩薩爲令上義因譬喻門明了易見諸菩薩等聞是法已悟甚深義悟無生忍故復請問。

聲六

十五

張

經曰佛告妙生譬如三十三天未入雜林終不能於若事若受無我我所和合受用若入雜林即無分別隨意受用由此雜林有如是德能令諸天入此林者天諸果報若事若受無所思惟和合受用如是菩薩若未證得無生法忍終不能得平等之心平等之捨乃與一切聲聞獨覺無有差別有二想故彼不能住受用和合一味事智若已證得無生法忍遣二想故得平等心遂與聲聞獨覺差別由平等心而能住捨受用和合一味事智論曰三十三天有一雜林諸天和合福力所感令諸天衆不在此林宮殿等事苦樂等受

勝劣有異有我我所差別受用若在此林若事若受都無勝劣皆同上妙無我我所和合受用能令平等和合受用故名雜林此由諸天各修平等和合福業增上力故令彼諸天阿賴耶識變現此林同處同時同一相狀由此雜林增上力故令彼轉識亦同變現雖各受用而謂無別如是地前菩薩二乘未證二空所顯真如無生法忍有見道斷差別執故未離自他差別二想未得無漏平等性智相應之心平等受捨或復行捨故不能住受用和合一味事智有義七地已下菩薩猶有功用有加行道猶有微細煩惱現行未清淨故未得任運無生法忍妙觀察智相應平等若心若捨故不能住受用和合一味事智經曰復次妙生譬如種種大小衆流未入大海各別所依異水少水水有增減隨其水業所作各異少分依持水族生命若入大海無別所依水無差別水無限量水無增減所作

業一廣大依持水族生命如是菩薩若未證入如來清淨法界大海各別所依異智少智智有增減隨其智業所作各異少分衆生成熟善根之所依止若已證入如來清淨法界大海無別所依智無差別智無限量智無增減受用和合一味事智無量衆生成熟善根

聲六

十六

辰

之所依止

論曰大衆流者謂殞伽等四種大河小衆流者謂餘小河未入大海各別所依者種種地方爲所依故異水者清濁灰美水差別故少水者望大海故水有增減者少兩多兩時差別故隨其水業所作各異者種種氣味勢力

成熟有差別故少分依持水族生命者少數少量水族有情所依持故若入大海無別所依等者與前所說一切相違應知其相廣大依持者此依數廣量大而說如是菩薩未證如來法界大海者未證諸佛清淨法界各別如來法界大海者未證諸佛清淨法界各別所依者別別如來爲所依故異智者各別勝

解所修成故少智者望佛智故智有增減者諸地相望有勝劣故及定相望有勝劣故隨其智業所作各異者諸菩薩定數量別故所作各異隨諸菩薩勝解勢力緣有情界能有所作過此不轉是故各異少分衆生等者少數少量成熟善根所依止故由諸菩薩增上力故隨分令他善根成熟諸菩薩定望如來定數量少故化諸有情利樂亦少若證如來法界大海者已證諸佛清淨法界無別所依者清淨真如爲所依故無漏界中不可建立諸佛有異何況菩薩智無差別者圓鏡智等皆相似故無有自他分別異故智無限量者了達無邊所知境故智無增減者等清淨故徧知境界無少多故受用和合一味事智者平等智等一切所作皆相似故無量衆生等者若數若量皆無量故福德智慧無盡資糧皆平等故由得法身窮生死際一切有情成熟善根所依止故前後二喻有差別者有義

前喻說諸菩薩未入已入或歡喜地或不動地後大海喻說諸菩薩未入已入或不動地或如來地有義二喻同說菩薩未得已得無生法忍前說菩薩功德稠密喻如雜林後說菩薩功德無盡喻如大海

十士末

## 佛地經論卷第六

鉗巨兼反 拆先擊反 猥渠併反 猥猴上音閻下音侯 勵制音 徇利上詞  
鬚上音昔下音昔 遲第反 慢上吾告反 勇悍汗音 陶師上音桃又音搖 菩初音波  
創竹異反 置竹異反 創初狀 疾上音其 伽諸陵

聲六

界有六種相摠攝一切佛地功德謂自性相因相果相若作業相若相應相若差別相如其次第初有一頌餘各半頌  
經曰 一切法真如 二障清淨相  
論曰有義此顯清淨法界謂一切法空無我性所顯真如永離二障本性清淨今復離染能爲一切善法所依是故說名清淨法界一

佛地經論卷第七

親光等菩薩造 大唐三藏法師玄奘奉詔譯  
經曰爾時世尊而說頌曰  
論曰當說四頌摠攝上義略顯佛地淨法界  
相如來地中一切有爲無爲功德皆是清淨法界攝持皆是清淨法界之相所相能相俱

王文書

名相故於四頌中前三頌半別顯其相後半摠結別顯相中有義此中初半顯示清淨法界次半顯示大圓鏡智次半顯示平等性智次半顯示四智所攝眷屬功德後半顯示五法所成三身差別復有義者此中顯示清淨法